

# INUIT ATAQATIGIIT

## Inatsisartuni



UKA 2018/207  
12.10.18.  
Peter Olsen

**Uunga siunnersuut, Inatsisartut aalajangiiffigisassaattut siunnersuut, Namminersorlutik Oqartussat ilalissagaat NemID-mik pisortat digitaliusumik signaturiannik imaqartumik inunnut aamma inatsisit naapertorlugit immikkoortortani sulisunut Kalaallit Nunaanni atortuulersinneqassasoq Kunnigip peqqussutaagut.**

**(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)**

Naalakkersuisut aaliangiiffigisassatut siunnersuutaannut qulaani pineqartumut qujalluta, Inuit Ataqatigiinniit matumuuna imaattumik oqaaseqaateqassaagut.

Una aaliangiiffigisassatut Naalakkersuisuninngaaniit saqqummiunneqartoq Folketingip 2018-mi inatsisilerisimasaanangaaniit tungaveqarpoq, nunatsinnuli atuutinngitsoq, taamaattorli ilaannakortumik, nunatsinnuli naleqqussarlugu nunatsinni atuutilerineqarsinnaasoq.

Periarfissarlu tamannarpiaq atorlugu Naalakkersuisut aaliangiiffigisassatut siunnersuuteqarput.

2009-mili NemID-ip pissarsiarineqarsinnaanera periarfissaalereersimavoq, ilaatigut [www.nemid.nu](http://www.nemid.nu) aammalu [www.sullissivik.gl](http://www.sullissivik.gl) aqutigalugit.

Unnia Savalimmiuni namminneq allamik Nemid-mut assingusumik namminneq imminnut naleqquttumik peqalernissaminnik siunertaqartumik eqqartuisimarpaluttut. Qallunaat iliuuserisartagaannut ilaarsiinnartarneq Inuit Ataqatigiinniit peqqinnangitsutut isigaarput.

Taamaattumik Inuit Ataqatigiinniit soqutiginarparput paasisaqarfigissallugu Savalimmiormiut NemID pillugu qanoq angusaqarsimanersut qanoq ingerlariaqissamanersullu pillugu.

Aalajangiiffigisassasut siunnersuut pingaaruteqarpoq, uagut kalaallit inatsisigut illersugaanissarput eqqarsaatigalugu, taamaattumik Naalakkersuisut uuma aalajangiiffigisassatut siunnersuutaasup akuersissutigineqarnissaanik inassuteqaataat Inuit Ataqatigiinniit taperserparparput, taamattorli Savalimmiuni qanoq aqqissuussisoqarsimanersoq paasisaqarfigilluarsinnaajumallutigu, tamannarpiaq pillugu ataatsimiisitaliamut susasaqartumut qulaajagassanngorlugu ingerlateqqinneqarnissaa inassuteqaatigaarput.

Qujanaq